



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno MCCCCXLVII. ad annum MDXXVII.

Parisiis, 1644

VI. De constitutionibus humanis.

urn:nbn:de:hbz:466:1-15644

ANNO CHRISTI 1527. fieri præcepit. Oportet itaque nos au^roritati patrum, ^{Cassianus coll. 21. c. 2.} consuetudinique maiorum, vsque ad tantum tempus per tantam annorum seriem protelatae, etiam non percepta ratione credere, eamque ut antiquitus tradita est iugi obseruantia ac reuerentia custodire. Quam si quis eo prætextu pertinacius reiiciat, quod non legitur in scripturis sacris, ut hæreticus & schismaticus habeatur.

V I.

Si tanta erat synagogæ maiestas, tanta Leuitici sacerdotis au^roritas, ut qui superbiret, nolens obedire sacerdotis imperio qui eo tempore Domino ministrabat, decreto iudicis moreretur, ut hac animaduersione auferretur malum de Israel, cunctusque populus audiens timeret, & nullus deinceps intumesceret superbia, qua fronte in eam prorupit hæreticus audaciam, ut quidquid scriptura non expressum, a sacrosanctis Conciliis & summis ecclesiæ pontificibus statutum sit, ausu temerario respuat & subsannet? An non attendit verba Christi? qui, ne quispiam a præstanta Scribis & Pharisæis obedientia ob quamtu[m]uis apertam morum impuritatem auocaretur, *Omnia, inquit, quæcumque dixerint vobis, seruate & facite:* ^{Deut. 17.} *secundum autem opera illorum, nolite facere:* & ad suos conuersus, quibus regendam committebat ecclesiam, *Qui vos audit, inquit, me audit: & qui vos spernit, me spernit.* Atque id optimo quidem iure. Nam cum filios patribus, & subditos potestatis sublimioribus oporteat esse morigeros, non solum propter iram, sed etiam propter conscientiam; nec in iis tantum quæ iure diuino cauta sunt, sed quæ vel ad familiam aut ad rempublicam pertinent; profecto qui præsunt ecclesiis patres sunt. *Nam si decem millia* ^{1. Cor. 4.} *pædagogorum habeatis in Christo,* inquit Paulus, *sed non multos patres: ego enim, ait, in Christo per euangelium vos genui.* Nec patres tantum sunt, sed & in sibi commissos potestatem accepere, sæculari non inferiorem, in ædificationem quidem, & non in destructionem. Quæ omnia cum essent priscis olim patribus persuasissima, non inueniebatur qui non vltro iussa capesseret, cum synagogæ primores ieiunium aliquod & dies festos indicerent: vel apostoli a sanguine suffocato & idolothytis abstinendum esse. *Quin* Paulus hominem contentiosum, legem illam de velandis

muliheribus non probantem, quod ea forte non inniteretur scripturæ, ecclesiastica consuetudine refellendum censuit, quæ contentiones huiusmodi non admittit. Oportet itaque præpositis obedire, & subiacere eis, qui perungilant, quasi rationem pro animabus nostris reddituri; qui si quid instituerint, quamvis huius rei certum de scripturis non proferatur exemplum, earumdem tamen scripturarum etiam in hac re a nobis tenetur veritas, cum hoc facimus quod vniuersæ placuit ecclesiæ, quam ipsa scripturarum commendat auctoritas. In omnibus igitur, in quibus nihil certi definiuit scriptura, mos populi Dei, & instituta maiorum pro lege habenda sunt: & sicut prævaricatores diuinarum legum, ita contemptores ecclesiasticorum consuetudinum coercendi.

VII.

Cum in omnibus ecclesiasticis constitutionibus, utilis quædam honestas & spiritualis profectus incrementum elucescat, in indicendis tamen ieuniis insigniter emicuit, quibus nihil aptius retundendæ carnis petulantia potuit institui, cum id genus dæmoniorum (vt ad spiritum dictum Christi referamus) ieunio tantum & oratione pellatur. Nec sane quidpiam, exemplo Mosis, promouendæ mentis puritati commodius: aut demum exemplo Niniutarum, ad impetrandum, aut ifam Dei placandam, efficacius ab ecclesiasticis quondam præsidibus potuit ordinari. Quæ res apostolos impulit, vt quadragesimale ieunium sanctificarent, quo Christi fideles, non tam Mosen, aut Eliam, quam Christum imitati, totius anni decimam exoluerent. Quæ vero a Callisto martyre in quatuor anni partes discreta sunt ieunia, quarti, quinti, septimi & decimi mensis legem referunt, ac figuram adimplent. Et velut quædam nostri temporis primitæ sub illis quatuor anni partibus offeruntur, ea quidem obseruantia, vt duodenarius dierum numerus duodecim mensium numero respondeat; neque dissimili religione statuta sunt cetera vigiliarum ieunia, quo puriores sacris solennitatibus accedamus. Ceterum quod ad ciborum delectum attinet, et si iam olim exoleuerit vetus illa Mosaiæ legis seruitus, quam vmboram futurorum Apostolus appellat, nec iam aliquid commune dicendum sit, aut immuni-

Marc. 9.

Exod. 34.

Dent. 9.

Iona 3.

76. distin&cacute;t.

c. 1.

De confess.

dist. 3. & 5.

in pluribus

capp.

Hebr. 10.